

黟縣三志卷十四

藝文志

元明文

關聖封號碑

至順二年封齊天護國大將軍檢校尚書守管淮西節度使兼山東河北四門關招討使兼提調諸宮廟神煞無地分處檢校官中書門下平章政事開府儀同三司駕前都統軍無甯侯壯穆義勇武安英濟王護國崇甯真君

見沈濤常山金石志隆興寺石刻

承德郎國子監丞汪公

漢卿

墓誌銘

鄧文原

江南浙西道

黟縣三志

卷十四

藝文補元明文

一

汪氏占籍徽州為著姓樞密公諱勃公之六世祖也通議大夫湖北提刑諱作礪於公為高祖朝奉大夫侍御史兼侍講累贈特進諱義和於公為曾祖宣奉大夫尚書戶部侍郎累贈少師諱綱於公為祖朝請大夫江南西路安撫司參議官黟縣開國男諱冰之於公為父儒科振業主組蟬聯訖於宋季號江左人門之盛公以任子補官自童齒時已知脫畧綺紈耽嗜典籍性姿警悟特異諸昆參議之兄省倉公諱深之官海陽時寔生公在娠有異徵甫三歲遂後參議既長於書無所不讀該洽辨博如良賈山積百貨費用大饒往歲文原與公俱在詞林每朝廷有所建議

稽故實高唐閣公爲承旨必首諮公公刃迎縷析無所隱  
漏平居喜談前人微言懿行竟夕忘倦座客爲傾性不嗜  
酒然遇燕樂亦嘯咏諧謔衍衍以和摘章染翰皆規古作  
者人謂學有源本故才華表著老益不匱始仕主吉州龍  
泉簿調建德府司法參軍時貴游子弟於吏事少所練習  
公冲若儒素以辯洽聞除戶部掎賞所幹官浙右帥府最  
號冗剝辟公幕屬公不畏豪猾訟牒填委一繩以正擢知  
信州貴溪縣方駸駸向用而天兵南下宋祚以終公亦遁  
跡巖谷志畢菟裘行省強起公爲黟縣丞復承饒之德安  
前是留公夢炎居相位雅器重公及入朝爲翰林學士承  
旨與集賢學士傅公立舉公德業宜任館閣屬時纂修世  
祖寶錄遂拜命爲編修官秩滿陞應奉翰林文字同知制  
誥會翰林學士王公構參議中書省謂江右素多士司儒  
校者非公莫可且優公南歸將調江西提舉公辭不果就  
遷翰林修撰盱江程公鉅夫由福建廉訪使爲翰林學士  
未至奉命趣召適病暍還家久閤公猶遲復來終二歲不  
改畀代者公曰吾老矣其能以軒冕易邱園之樂也以致  
仕請朝廷重違其志拜承德郎國子監丞公當少壯時由  
將仕至通直凌厲青雲可旦暮冀逮縣車始榮以胄子師  
而公不以用舍遲速撓其懷逍遙十餘年而以疾終易簣

翛然若古所謂有道之士者矣公諱漢卿字景良娶李氏中奉制參念祖之女也先四十年卒子男一人公弼以公蔭補南康通判同知致仕然克自樹立後當益顯聞女一人適建德路總管方回之子正心孫公生於宋嘉熙戊戌以延祐四年閏正月十三日卒壽八十有一是歲十二月丁酉葬邑西金雞石之原在少師侍郎墓左其南則李夫人之兆公弼以婺州義烏縣尹方存心之狀來謁銘文原曩與公同僚時江南文儒振武禁掖每從觴詠爲適今耆老日就彫謝而公之清醕儼雅亦不可復作感念今昔泣然而銘銘曰

黟縣三志

卷古

藝文補元明文

三

維古建官世德賞延有暱宴安堂構將顛哲士強矯學殖是專不媚於俗乃紹厥先籍籍汪公德厚粹淵如玉在川如鐘在縣如朝陽鳳簫韶儀焉蚤襲簪佩不愆誦絃奮於天衢中道迤邐公曰時哉秉心孔堅白首登瀛茅茹之賢青藜夜值紫泥書宣中充外蔚衆孰與肩歸休巖岫葺我園田章綬非貴巾履安便龍飛下逮旌旗引年我嗟故老晨星在天念公晬盎孰起重泉金雞之原鬱彼松阡垂慶來裔式視珉鐫

張府君墓碣銘

故承事郎  
黟縣知縣

宋 濂

張之爲著姓尙矣自軒轅第五子青陽生揮爲弓正觀弧

星始制弓矢因姓張氏歷代以來勳賢軒冕未嘗乏人其居饒之德興吳闡里者諱鵬仕唐爲節度使至五季時子孫猶授節鉞宋天聖中龍圖閣直學士燾嘗同文潞公諸賢爲洛社耆英之會既還饒見旁縣安仁有山名若嶺林樾蒼潤靈氣迴合因移居其下五世孫一清中特科進士第一與同邑湯文清公最相友善推究經傳反覆詰難必得肯綮乃已自時厥後族日以繁讀書之聲琅琅乎西東擢上第者凡十預薦送者二十又七薦紳以爲榮一清若干傳至宣義郎某宣義生某舉進士上南宮歷斥時政之弊有忤執政遂下第某生英肥遜終身飲水著書以自樂

黟縣三志

卷古

藝文補元明文

四

有春秋屬辭若干卷藏於家英之兄國學上舍某當宋籙將訖帥安仁義師從謝枋得勤王及戰敗家遂爲墟英子禹受方在幼最號孤貧後能遵廢舉之術大振其宗田貨悉逾於前人初無嗣育仲兄某之子璵爲後年四十七始生府君府君諱理字玉文十歲通經史十五歲屬文父悅曰吾宗書種弗絕矣爲築義湖精舍於室之南偏聘明經老生爲師遐邇之士鼓篋而來咸食飲之由是游從者日衆而府君聞見益廣縣令長嘉之旌其里曰儒賢云府君以累世科名欲起而踵其後復往從廬陵王君充耘習爲程試之學較藝江浙鄉闈不中遂學詩於翰林學士承旨

張公翥張公見府君襟度冲曠深器之悉授以詩家之法  
府君寤寐不忘虞文靖公集覽其所賦擊節嘆賞不少置  
至正壬辰斬黃妖寇相挺爲亂破饒州已而安仁繼陷殺  
戮到雞犬府君攜家避去臨川時江浙行省左丞老老公  
江西行省丞相亦憐直班公屯兵信之弋陽塋壘相望府  
君請張世英請檄起兵遂同弟瑒間道歸安仁聞外孫陳  
政養甲士三百以自衛府君名政與計事命伏兵於戶內  
椎牛醢酒誘僞帥二十四人醉飲於庭縛送於官斬之復  
諭其部曲曰爾帥已成擒卽宜改圖稍緩成菹醢矣衆翕  
然歸乃研墨汁署其衣曰興安義兵二日之間得健兒四

黟縣三志

卷十四

藝文補元明文

五

千金溪白砂盜周謙入境抄掠府君命瑒將健兒往逐斬  
首數百尋殲之白砂盜平丞相出兵平饒號一十萬至貴  
溪瑒以兵迎一鼓而安仁復瑒受命攝縣事僞將軍彭浩  
擁七萬衆逼丞相於團湖丞相兵欲退瑒部騎卒執麾前  
驅丞相遽下令出戰浩大敗斬首三萬級積屍如山瑒導  
丞相前進復饒州軍士乏食且重以疫癘府君率縣大姓  
輸糧一萬二千斛散之時寇盜充斥南通閩北適燕唯安  
仁爲便使者乘傳而來絡繹不絕皆仰給府君家爲之貧  
江西劇盜黃廉舉猖獗不可制左丞火你赤公檄瑒其平  
之府君授瑒計焚其窟穴賊遁去別據岩險爲拒守設伏

於道瑒乘勝深入賊突起而蹴之瑒力鬪而沒府君失聲  
哭曰折吾右臂矣吾當上告方伯以復爾仇下命介子以  
奉爾祀庶幾盡吾心爾遂急攻廉舉廉舉懼別降江西行  
中書未幾復叛府君與王伯美夾攻大敗之殺其兄廉靖  
廉舉夜走菘溪吳友文械送府君獻諸幕府屍於市且求  
殺瑒者五人烹之而以中子爲瑒後里歲儉人多相食府  
君移粟以賑仍禁山谷氓勿出鈔道商賈貿遷如承平時  
四方辟地者三百餘家皆依府君以爲安五年之間號爲  
小康辛丑歲八月天兵取九江九江與盱江連府君知天  
命有所屬往贊其守臣王公溥以全城內附皇上召府君  
至南京擢知徽州黟縣事黟在萬山中自近代來高陵鉅  
壑皆有賦民不堪命會部使者至府君力陳之言與淚俱  
使者以其事聞下營田司核實惟田輸糧餘皆置不問黟  
民得以少舒秩滿改知漳州漳浦縣及行民爭擁馬垂泣  
而送之漳浦接連溪洞民善亂舊於其地置汀漳屯田萬  
戶府及入職方詔徵屯田軍赴京萬戶吳世榮遂叛府君  
集民兵攻世榮戮之具上奏中朝免其徵海寇林仲明鄭  
惟明鄭君長恃能出入海濤先後爲背叛漳州衛兵雖嘗  
剪除而渠魁逸不可捕府君悉用謀致之磔裂以徇民畏  
威不復敢爲亂俗尙妖術咒物食人久則成形於腹中物

動人輒死云役其鬼爲奴府君廉知之毀其淫祠數十區其害遂熄邑多良田其隄防爲潮水所齧鞠爲草萊之區府君修築之百里之間皆化爲沃壤土豪羅季二族黨與甚衆恒持官府短長府君徙其家遠方事始安帖府君且調蠻彝不知禮義無善教以牖其良心爾乃爲修學聘師集子弟而訓飭之三年之間政教大治府知事孫希顏嘗有求而弗獲及以贓墨敗誣府君以白金百二十銖爲贄刑曹逮府君坐以不宜與事已釋將趨裝南還忽遭心疾恒怛怛若絃目不暇瞑遂卒實主於江甯樂氏其時則洪武五年三月五日壬子也年五十九同門友夏君通爲稱

黟縣三志

卷古

藝文補元明文

七

貸龔斂以某月日權厝於聚寶山府君娶臨川王氏出荆國文公之後吉水州判官某之孫女也先七年卒子男尙德次九德卽爲瑑後者次報德女常德適臨川許觀孫男三人桐木東府君天性孝友父病亟夙夜籲天祈以身代仍剖股和藥以進疾乃瘳後二年卒事兄璵唯恐弗獲其驩心然操履剛介不諧於流俗而非義之財絲髮不取故居官之日命其子負販以自給及其歿也橐無一錢識者頗哀焉濂爲左史時見府君清溪上府君方以意氣自豪醉墨淋漓有鸞鶻鳳翥之勢頗異其爲人自是數與之游暨別去爲縣聲跡不相聞者六七年遇與府君交者輒詢

之皆不能道其詳今年夏忽有衰經踵門者則府君之子  
尚德也驚而問曰府君死且殯已逾月矣嗟夫十數年來  
朋舊凋落殆盡如府君康强者亦復棄去人間世則夫沈  
酣聲利自恃以爲久長者果何如也因爲泣下數行旣而  
尚德將奉柩歸故鄉以某月日葬於某山之原持夏君所  
狀羣行請爲文勒墓上濂府君之友也不爲之銘孰宜爲  
之銘銘曰

維其文五色綢緼揚葩而吐芬維其武扼彼妖旅退縮莫  
予侮維才孔臧曷施弗良維邑之試變劇如易維澤之滂  
然維民之龐然維聲之鏘然維神之難言胡不永其延吁

黔縣三志

卷古

藝文補元明文

八

嗟乎賢吁嗟乎賢

橫岡忠烈廟贊

主簿 江山

越國汪公定亂保邦之功邦人懷之千載一日而其神屢著靈應山自國子博士謫官來黜瞻拜遺像每致敬仰嘉靖癸巳元旦夜色人夢神語云汝可爲我索江山一贊其人未及述次夜復夢如前且言山不久居此宜亟圖誌且告山相與訝歎遂不敢以燕陋辭攻之傳紀皆封王我太祖封公題書公遵王制也詞竊仍舊號云贊曰

巍巍汪王天縱英武憫亂崛起保茲南土奮戈一揮草木皆師如雷如霆奮醜星馳肅肅汪王智勇無敵四方驛騷六州載輯六州旣輯從者如雲衆志丕應宜王宜君抑抑

黟縣三志

卷十四

藝文補元明文

九

汪王服臣守義得國得民猶秉隋制十有餘年靖邦俟靈武德旣禪日月斯明明明汪王順天休命侯服于唐往征靡定惟帝汝嘉渙發綸音乃公乃侯爲國之楨赫赫汪王存忠沒顯歷世褒崇子孫繁衍濯濯厥靈昭于日星庇民佑國英爽如生橫岡之陽作廟翼翼我吏我民報祀罔極